


21755
Mag. St. Dr. P

*Plucinski franc. Hieros: Luctus imperatus ex aucto
funere M. Petri Prusalewii.*

PANEG. et VITAE

Polon. Fol.

N. 1031.



L U C T V S
I N S P E R A T V S,

EX ACERBO FVNERE

Magnifici olim, Perillustri & Reverendissimi Domini,

D. M. P E T R I
P R A C Z L E W I C,

Sacrae Theologiae Doctoris & Professoris, Ecclesiarum
Cathedralis Cracoviensis CANONICI, Collegiatarum SS.

Omnium Cracov: PRÆPOSITI, Pilecensis DECANI,

Collegij Majoris SENIORIS PATRIS.

Almae Vniversitatis Studij Generalis Cracoviensis,
PRO CANCELLARII & RECTORIS
VIGILANTISSIMI.

O R T V S.
ET

Dum Meritissimo ejus Nomini

Pijsq; illius Manibus

J V S T A P A R E N T A L I A.

AD ÆDES D. ANNÆ.

In amarissimo Vniuersorum Academiae Cracov: Ordinū mœrore persoluerentur.

Ad æternam tanti Viri memoriam.

A M. FRANCISCO HIERONYMO P L V C I N S K I

Pb. Doctore, Dialectica in Collegio Novoduorsciano Professore,

Contubernij Sisiniani Seniore,

NOMINE CLASSIUM NOVODVORSCIANARUM,

D O L E N T I C A L A M O
E X P R E S S V S.

Anno Nati pro salute humani generis REGIS dolorum, 1711. Die 27. Octobris.

CRACOVIAE Typis Francisci Cezary, S. R. M. Ordinarij Typographi.

21.755 III 7. xxii. 10. 16



LUCTUS INSPERATUS.

Eheu iniqua Fata!

quot nunc pupillas! quot pupillos flere fecistis!

Quid potest esse à vobis securum?

Si Doctorales Laurus, ferali securi succinditis.

Quæ à Vestra licentia tuta, manebit domus?

cùm & Sacra Minervæ limina,

sæuo violare audetis pede.

Siccine consuevistis,

Virides Corymbos in ferales transmutare Cupressos?

Dura hæc & dira Metamorphosis est.

Timete exigua mundi lumina fatalem Ecclipsim,

Etiam primæ Magnitudinis sydera,

Mortis tenebris involvuntur.

O legem fatorum Adamante durio rem!

Nulla Regula Juris est sine exceptione:

Apud ferocem Lachesium

nec hi à morte excipiuntur, quos probitas fecit immortales.

Cuinam favebis Libitina? cui parcetis Parcæ?

his non faventes, his non parentes,

quos Virtus, & Doctrina,

Semideos fecit adhuc in terris.

Quis Sepulchrales valet effugere Umbras?

quando & hi

in æternam claudunt sua lumina noctem,

quos Orbis æternùm vivere & videre desiderat.

En insperati luctus, & insperatae dolorum luctae
dolentibus Musis est materies.

Magnificus, olim Perillustris & Reverendissimus Dominus,
D.M. PETRVS PRACZLEWIC,
S. Theologiae Doctor, & Professor, Ecclesiae Cathedralis Cracoviensis
CANONICVS, &c. &c.

In hoc extincto Praecellentium ingeniorum miraculo,
est quod Lechicus doleat Orbis:
Etsi ille nil unquam in vita dolendum egerit.

Lugeat Vavellus,

Nempe in hoc literarum Politiorum Corculo,
Peraugusto aurearum Coronarum Ternioni,
aureus splendor & inestimabilis Vnio ereptus est.

Quomodo Sacer Pontificiae Cathedrae Senatus
non lugebis?

Diuinus Apollo,

qui Tibi non responsa sed Oracula dabat,
nunc obmutuit.

Quem non pridem vidit Sacrum Demosthenem
& Censorinum Catonem,
Dicecesana Synodus.

hunc mortis inopinatae compressit nodus.
Petrus ad Sepulchralem Petram allisus est.

O dolor maximus!
Moeret Peraugustus Vavelli Senatus.
Cujus decus & delictum erat.
Majora evolvat calamus.

Tyaratum quoque ipsum Caput est maestissimum,
CELSISSIMI PRINCIPIS,
ILLVSTRISSIMI & REVERENDISSIMI DOMINI,

D. CASIMIRI à Lubna **LUBIENSKI**

DEI & S. Sedis Apostolicae Gratiâ
EPISCOPI CRACOVIENSIS,
DVCIS SEVERIAE.

Studij Almæ Vniuersitatis Cracoviensis
C A N C E L L A R I J,
& Benefactoris Munificentissimi.

Non tam fronti infixus Gentilitius Mucro,
quàm gladius Mortis PRACZLEVIANO immerfus pectori,
hoc acerbum fecit cordolium.

Non potuit sine dolore PRINCIPIS avelli PRACZLEVIVS,
qui PRINCIPIS Cordi amantissimo, bene inhæserat.

Adhuc tum

cùm teneriori huic Achilli Vigilantissimus adstiterat Chiron.
PRÆSVLEVM CELSISSIMI PRINCIPIS CAPVT,

Hoc Minervæ Sacrarium,

Novit PRACZLEVII dotes, & pectori suo admovit.

Miretur secutura Posteritas,

Divinæ humanæq; Sapientiæ Oraculum,

PRACZLEVIVM.

Hunc Phæbea in Cracio Academo coronatum lauru,

Illustrissima & Excellentissima Familie,

suis Carissimis pignoribus adsciverunt.

Hunc Stagyritam,

Illustrissimus olim & Excellentissimus Dominus,

D. STANISLAVS à Warzzyce WARSZYCKI,
CASTELLANVS CRACOVIENSIS.

Filio suo Polono Macedoni adscivit.

Gemma Præfulum Litavi Orbis præcipuum decus,

Illustrissimus & Reverendissimus Dominus,

D. IOANNES HIERONYMVS

à Kierzyczstein

K R Y S Z P I N,

EPISCOPVS SAMOGITIÆ.

Huic fonti debet, de quo omnigenæ eruditionis dulces hausit latices,

PRACZLEVIVS Aureus Tripos erat,

de quo hi Nobilissimi Theopompi docta capiebant responsa.

Nec mirum,

quòd magnæ Magni PRACZLEVII dotes,

tantis placuerunt Nominibus,

qui

qui omnium pæne mœrebat affectus.

Lugeat Ecclesia,

Pastor illi Verbô, Exemplo, curâ indefessâ
præiens occubuit.

Cùm cecidit Petrus,

Stare absq; mœrore nequit,

Princeps Craciæ Urbis Basilica.

In Illius Exedra.

coram purpurato Patrum Senatu,

dulcia quia Divina sacer hic Hyperides fundebat Verba.

Lugeat Niobe Mæstissima,

Alma Universitas Cracoviensis.

Eloquentissimus Cynæas, Divinus Plato,

justissimus Aristides, alter Aquinas sublatus est.

Sol Doctorum, gemma Prælatorum disparuit.

Elete Cathedra, Stoæ, Lycea, Prytanæ,

Palladis Craciæ,

Professor Vester emeritissimus Cœlum petijt.

De Visione DEL in æternum traditurus.

Lugete Falces Reçtorales,

Manus illæ tornatiles, quibus toties securè incumbetis,

En tristi Sarcophago conditæ recumbunt

Aurea scepra expallescite,

Splendorem vestrum & Coronam pallida Mors rapuit.

Lugeas Novoduorsciana Pallas;

Provisor ille olim tuus multis annis Vigilantissimus,

Phæbusaureo Paterni affectus iubare te circumdans,

extinctus est.

Argus Centoculus bono publico, promovendiq; literis,

semper incumbens,

non Mercurij telis sed Libitinæ falce

literato Orbi ereptus.

Illustrissima & Nobilissima
Sarmatico-Academica Iuventus
Flumina Aganippidum lacrymis auge,
vel more Biblis in argenteos fontes difflue.

R E C T O R ille
qui Te & regebat & affectu Paterno protegebat,
Eheu obiit!

Lugeas Amicorum, Cognatorū, Clientum, Christiꝫ; egenorū turba,
Pylades, Pater, Patronus, Promotor Vester,
in Regionem loquinquam abiit.

Lechicarum Princeps Urbium,

Luge Cracovia,

Decus præcipuum de Gentilitiis tuis Portis,

Ad Portas introivit æternales,

Abiit ille, excessit,

Vestra tamen pijsissima mente manebit,

Vltimæ voluntatis eius Executores,

Corpore mortali ille solutus,

immortalem iam Vitam orsus est.

In Tuo tamen amico pectore vivet,

cui se totum vivens moriensꝫ; impendit.

Magnifice, Perillustris & Reverendissime Domine,

D. M. A N D R E A K R V P E C K I,

I. V. Doctor & Professor, Eccles. Cathedralis Cracov. CANONICE,

Ecclesiarum Parochialium Niegardov. & Premykoviensis

CVRATE, &c. Contubernij Philosoph: **PROVISOR.**

Studij Generalis Cracoviensis **R E C T O R**

NEOELECTE VIGILANTISSIME.

Defesso Atlanti

par quia fortissimus succedis Hercules,
ut consiliorum lacertis literarium Orbem sustentens.

Helicon Academicus,

Præside

Præside tanto orbatus,
in Eurippo lacrymarum suarum Solamen & levamen capit,
Te toties felicissimo Fascium Rectoralium,
donatus Moderatore.

Vivet & in tuo animo,

Perillustris, Clarissime & Admodum Reverende Domine,

D. M. BASILI PLASZCZEWSKI,
Sacrae Theologiae Licentiate, Collega Major, Ecclesiarum Collegi-
atarū S. Annæ DECANE, S. Georgij in Arce Cracov: CVSTOS,
CVRATE Nasiechovicensis; Contubernij Sisiniani
P R O V I S O R. &c.

Non sic Nisus Euryalum,
ut Petrus hic dilexit Basilium.

Nempe novit,

cui Arcana doctissimæ mentis & candidi pectoris aperuit.

Amari à te non poterit, qui te semper amavit.

Cedere de tuo corde nequit, qui tuo cordi benè inhæsit.

Evolare tam altè levis penna haud potest,

Vt tu in PETRI & PETRVS in tuum affectum involavit,

Perillustris, Clarissime & Admodum Reverende Domine

D. M. MATHIA BROCKI
Sacrae Theologiae Licentiate, Ecclesiarum Collegiatarū S. Floriani
DECANE, SCHOLASTICE Cureloviensis, Cancellarie Posna-
niensis, Contubernij Gelaniani PROVISOR, &c.

Æstimator ille ingeniorum maximus,

Lydiusq; lapis,

Tuas animi dotes, tuam in Superos pietatem

Multùm æstimavit, coluit, & amavit.

Tibi Animam iuvandam,

Tibi innocentes sortes labore Professorali acquisitas,

commisit.

Nempè novit quòd & fors DEI cecidit super Mathiam.

Tu tandem lugubris meæ lucubrationis

lugubris es Scopus.

B2

Nobi-

Nobilis Sanguinis portio.
Magnis Nominibus in Districtu Varfaviensi cognate.

Generose Domine,

ROMVALDE WŁOSKIEWIC.

Piè defuncti Avunculi tui dilectissimi,

Naturalis Executor.

Abstinerè à lacrymis in ejus funere nequis,
qui nunquam Tibi paternum præstare affectum abstinuit.
Dolore tamen tuo ei invidere Cælum non potes,
qui illud videre pridem meruit.

In hoc ut inter Confessores locum haberet,
mori absq; Confessione Sacramentali noluit.
Intra solennes Octavæ D. Patriarchæ sui Ferias
in Cœlis ferari cepit.

Magnus hic Cantiani honoris Zelotes.

Ut dum Polus Sarmaticus canit cantus CANTIO,

ipse super Polos canat gloriam DEO.

Filius Patriarchæ assistendo.

RECTOR REELECTVS voluit mori non EXRECTOR,
ut cum Fascibus appareret illi,

qui suo nutu regit.

Falces Rectorales.

Nulla pressus infirmitate,

sed ferè ambulans obiit & abiit.

Citò enim properare ad DEVM,

& coram Illo sanus mente & corpore apparere proposuit.

Errare tamen ad DEVM nullo modo potuit

Hunc illi, vel ipse JOANNES Patriarcha indigitavit.

Luctu insperato,

Academiam, Amicos, Cognatos, & me Clientem suum,
affecit.

Ipse nihilominus in Cœlis possideat,

GAUDIUM SEMPITERNUM.



Biblioteka Jagiellońska



stdr0009388

